



**Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 1. Desumpta ex cap. 43. lib. Genes. in quo describitur secundus  
fratrum adventus cum Benjamin fratre natu minimo, Josephi erga eos, &  
specialiter erga fratrem uterinum exercita humanitas.

---

[urn:nbn:de:hbz:466:1-61252](#)

tor menti mēx obversans adeò vitam mihi detestabilem reddit , ut felicem me faceres ô Amalecita ! si faceres me mori . Eth̄æ sunt proh dolor ! quærelæ , quas singulîs horîs centiès nunc forsan repetit mi- ferrimus iste Rex , non tot tormenti ab omnibus Inferni flammis pa- surus , quām à stimulo sauciatae conscientiae patiatur . Philosophus Cordubensis Epist . 97. Hanc veritatem cæteroquin infidelis habuit satis perspectam , prima inquiens , & pœna maxima est peccantium peccâsse , nec ullum scelus impunitum est , quoniam sceleris in scelere supplicium est .



## FASCICULUS XI.

### *Doctrinarum Moralium & Asceticarum.*

#### Doctrina I.

*Desumpta ex cap. 43. lib. Genes. in quo describitur secundus fratum adven-  
tus cum Benjamin fratre natu minimo, Josephi erga eos, & specialiter er-  
ga fratrem uterimum exercita humanitas.*

*Considera I.* **C**hristum Dominum non Ægypti tantùm, sed uni- N.65. versæ Terræ Salvatorem haud aliter se gerere er- ga peccatores , per pœnitentiam ad se conversos , quām Joseph Salvator Ægypti se geslerat erga fratres suos , ante se in genua prostratos : ut enim ille non negavit negatam sibi à fratribus charitatem , & non retinuit injurias sibi ab illis illatas ; ita Christus , cum peccatores per sincerum propositum & prævium dolorem con- fessionemque rite peractam ad se conversos , & pro obtainenda venia supplices videt ; illico Sacerdotibus Ministris suis imperat : ut , quos traditâ sibi autoritate à peccatis absolvissent , reficiant pane Eucha- risticô . Lauda igitur infinitam Salvatoris tui clementiam & libera- litatem Christiane ! & dic cum Thoma Kempensi lib. de Incarnat. O ineffabilis Misericordia tua Domine ! quæ super id , quod excogitari possit , de- clarata est : nam nescientes te sollicitè quæstisti , deserentes te non deseruisti , peccan- tibus benignissimè indulsiſti , aversis à te viam ostendisti eterna Salutis ? si tam pius

L

es

es factus inimicis, quid eris amicis? S. Lucas Evangelista priusquam prodi filii parentem, compassione tenerrimâ commotum proponit, refert: illum suos direxisse oculos in filium reducem & pœnitentem, ut quò eum cernetet magis fame extenuatum, lacerum vestibus, ob peccata compunctum, eò magis moveretur ad Misericordiam; atque hinc etiam à longè conspecto & calidas fundenti lacrymas ipse collacrimari, & brachia in amplexum jam explicare cœperit, ut sic divinæ Misericordiæ exprimeret Benignitatem, quæ etiam prævenit pœnitentes, & non tantum ad se venientes gratiōsē excipit. Quare Mellifluus Doctor Tom. 2. Serm. 19. a. 1. c. 2. ait: *Misericordiam ad pœnitentiam revocantem peccatoribus offert, dum manus expandit, quasi omnes peccatores vocet, & trahat dicens eis illud Matth. 11. Venite ad me omnes, qui laboratis & onerati estis &c.* Nonne Petro pœnitenda remisit, ferè autem quam pœniteret, dum tam gratiosō oculō perfidum respexit? nonne Zachæum curiositate suā potius, quam pœnitidine peccatorum in arborem tractum, ad agendos veræ pœnitentiæ fructus invitavit? quare si tua te angant peccata Christiane! accede ad Jesum, ipse est, qui Lucæ 15. peccatores recipit. Prosternere ad Sacratissimos ejus pedes, illic mulier septem Dæmonibūs obsessa, plurimis nempe conspurcata peccatis, vix dum abluit pedes, eluit turpisissimas animæ suæ sordes. Si ut ovis perdita errasti, pastorem habes in Christo, qui nonaginta novem relictis, te sollicite quærit, ut inventam conjungat electorum gregi. Si ob malam peccandi consuetudinem in tumulo sordium tuarum diu jacuisti, en Christus exclamabit: *Lazare veni foras.* Si veneris captus amoribūs cum Samsonē oculos perdidisti, quos audeas elevate, ut iratum tibi cœlum pro veniam obtinenda aspicias: en in Christo reperis talem medicum, de quo testatur Evangelium Lucæ 14. *Ceci rident.* Absit, ut vel semel animum tuum subeat maledicta illa cogitatio Caini Genes. 4. dicentis: *Major est iniquitas, quam ut veniam merear.* Quam ingens enim immaneque debitum contraxerat Evangelicus ille debitor Matth. 18. & ecce vix procidens in terram rogaverat differri solutionem ejus, non tantum hanc, sed totius debiti remissionem obtinuit. Perpende causam tam gratiosē & celeriter remissi debiti: *quia rogasti me.* Hæc unica est, per quam innuit misericordissimus Dominus, ad imperrandam peccatorum veniam non esse opus longis jejuniis, non protrahendis per aliquot noctes vigiliis, non instituendis ad limina Apostolorum peregrinationibūs,

non.

non largis eleemosinis, non rigidis corporum macerationibus, sed unicā contritā scelerum confessione, & brevibus pro venia precibus.

*Considera 2.* Quod sicut Benjamin natu minimus quintuplicè plus N.66. cibi ceteris fratribus à Josepho acceperat: Ita plus gratiae in Sacra refectione cibi eucharistici recipiant illi Christiani, qui per veram humilitatem ceteris se fecerint minores: ut enim vas amplum, quod plus evacuatum fuerit, eo plus recipit materiae sibi infusae: ita plus gratiae recipit anima Christiana divinò refecta pabulò, quod plus à superbia fuerit exhausta. Quod magis centurio ille domum suam Christo hospite indignam reputaverat, eò majori dignitate fuerat exaltata. *Altus est Deus*, ait S. August. in festo Ascens. Dom. *Erigis te, & fugit à te, humilias te, & discedit ad te.* Quare hoc? quia excelsus est, & humilia respicit, & alta à longè cognoscit. Huic ergo virtuti præ ceteris omnibus à Christiane studeas, ut eò dignior fias tantò hospite recipiendò.

## Doctrina 2.

*Desumpta ex cap. 44. lib. Genesis, in quo describitur facta fratrum revocatio propter scyphum in sacco Benjamin repertum.*

*Considera 1.* D EUM cum electis eodem modō ludere, quod lusit Jo- N.67. sephus cum fratre suo Benjamin, quem instar furis haberi, & ad vincula factè trahi voluit: sed postea eum tenerrimè amplexatus, ceteris omnibus longè chariorem habuit. Haud aliter Deus electos vult variis miseriis premi, & vix non ab illis suppressi patitur; quod tamen non aliâ facit mente, quam ut eos ad sui intimam conjunctionem vocatos, supernis munericibus ditet. Hoc ipsum expertus est Josephus ipse, quem passus est à fratribus vendi, in carcerem compingi. Hoc post Josephum expertus fuit Job cum innumeris aliis. Tandem quis pratirosor DEO, inquit S. Bernardinus tom. 3. Dom. 10. post Pentecost. Quantò propter eum sit vilior. Quare vates regius non tantum non petiit à crucibus liberari, sed pro inferendis sibi supplicabat instantissime Psal. 25. *Proba me Deus, tenta me, ure renes meos & cor meum.* Noverat Sanctus vates: hanc DEI Indolem esse, ut quos intendat elevare, hos prius deprimat: hos odio habeat, ut amet: hos deserat, ut subveniat: his minetur, ut condonet; hos expoliet, ut restituat; exponat, ut protegat, destruat, ut fortificet.

L 2.

Electio-